ЎЗБЕКИСТОН РЕСПУБЛИКАСИ НОМИДАН ХАЛ ҚИЛУВ ҚАРОРИ

Боғот тумани

2024 йил 5 ноябрь

Судья: Э.Розумбетов

Боғот туманлараро иқтисодий судининг судьяси Э.Розумбетов раислигида, судья ёрдамчиси У.Зарипов котиблигида, Тупроққалъа тумани фермер, деҳқон ҳўжаликлари ва томорқа ер эгалари кенгаши вакили А.Самандаров (05.11.2024 йилдаги № 378-сонли ишончнома асосида), даъвогар вакили Т.Шарипов (21.09.2024 йилдаги № 1-сонли ишончнома асосида) иштирокида, Тупроққалъа тумани фермер, деҳқон ҳўжаликлари ва томорқа ер эгалари кенгаши даъвогар "GULCHAROS MUNISA" фермер ҳўжалигининг манфаатида жавобгар "TUPROQQAL`A TEXTIL" масъулияти чекланган жамиятидан 1 029 710 340 сўм асосий қарз ва 514 855 170 сўм пеня ундириш тўғрисидаги даъво аризаси бўйича иқтисодий ишни, ўз биносида, очиқ суд мажлисида кўриб чиқиб, қуйидагиларни

аниклади:

"GULCHAROS MUNISA" фермер хўжалиги (бундан буён матнда даъвогар деб юритилади) ва "TUPROQQAL`A TEXTIL" масъулияти чекланган жамияти (бундан буён матнда жавобгар деб юритилади) ўртасида 2023

20 январдаги 2-сонли пахта хом-ашёси ва уруғлик пахтани етказиб бериш хамда харид қилиш бўйича фьючерс шартномаси тузилган.

Тарафлар ўртасида тузилган шартноманинг 1.1-бандига кўра, "Хўжалик" ўзининг 2023 йил учун "Агротехнологик харитаси" (бизнес режаси)га асосан 190 тонна пахта хом-ашёсини "Буюртмачи" га етказиб бериши, "Буюртмачи" эса ушбу махсулотни қабул қилиб олиш ва шартноманинг 4.1-бандига мувофиқ ҳақини тўлаш мажбуриятини ўз зиммасига олган.

Шунингдек, шартноманинг 4.4-бандида "Буюртмачи" томонидан "Хўжалик"нинг етказиб берилган пахта хом-ашёси қийматининг якуний хисоб-китоблари терим учун ўтказилган пуллар ва бошқа харажатлар чегирилганидан қолган қисми ҳосил йилининг 31 декабрь санасига қадар, уруғлик пахтанинг 1-босқичда топширилган уруғлик пахта хом-ашёси учун ҳисобланган устаманинг 50 фоизи миқдорида уруғчилик хўжаликларига пахта хом-ашёсини "Буюртмачи"га топширган вақтда тўловлар амалга оширилиши белгиланган.

Шартноманинг 4.5-бандида эса, махсулотни транспортда ташиш ва тушириш харажатлари "Буюртмачи" хисобидан ҳақиқий вазн бўйича ва бутун масофа учун ҳосил йилининг 31 декабрга қадар амалга оширилади.

Жавобгар томонидан даъвогар топширган махсулотнинг ушланма ва тўловлар амалга оширилиб, қолган қисми тўланмаганлиги натижасида қарздорлик юзага келган.

Тупроққалъа туман фермер, деҳқон ҳўжаликлари ва томорқа ер эгалари Кенгаши (бундан буён матнда Кенгаш деб юритилади) даъвогар манфаатида судга даъво аризаси билан мурожаат қилиб, жавобгардан 1 029 710 340 сўм асосий қарз, 514 855 170 сўм пеня ундиришни сўраган.

Суд мухокамасининг вақти ва жойи тўғрисида тегишли тартибда хабардор қилинган жавобгар суд мажлисида вакили иштирокини таъминламади.

Шунга кўра, суд Ўзбекистон Республикаси Иқтисодий процессуал кодексининг (бундан буён матнда ИПК деб юритилади) 127, 128 ва 170-моддалари талабига кўра, ишни жавобгарнинг иштирокисиз кўриш мумкин деб хисоблайди.

Суд мажлисида кенгаш вакили даъво талабларини қуллаб-қувватлаб, суддан даъвони қаноатлантиришни суради.

Суд мажлеида даъвогар вакили даъво талабларини қаноатлантириб беришни сўради.

Суд, тарафлар вакилларининг важларини тинглаб хамда иш хужжатларини ўрганиб чикиб, куйидагиларга кўра даъво талабларини кисман каноатлантиришни лозим топади.

Ўзбекистон Республикаси Конституциясининг 16-моддасига асосан ушбу Конституциянинг бирорта қоидаси Ўзбекистон Республикасининг хукуқ ва манфаатларига, ушбу Конституциянинг биринчи бўлимида назарда тутилган асосий принцип ва нормаларга зарар етказадиган тарзда талқин этилиши мумкин эмас.

Ўзбекистон Республикасининг қонунлари ва бошқа норматив-хуқуқий хужжатлари Ўзбекистон Республикасининг Конституцияси асосида ва уни ижро этиш юзасидан қабул қилинади. Бирорта қонун ёки бошқа норматив-хуқуқий хужжат Конституциянинг принцип ва нормаларига зид бўлиши мумкин эмас.

Ўзбекистон Республикасининг Фукаролик кодекси (бундан буён матнда ФК деб юритилади) 236-моддасига кўра, мажбуриятлар мажбурият шартларига ва конун хужжатлари талабларига мувофик, бундай шартлар ва талаблар бўлмаганида эса - иш муомаласи одатларига ёки одатда кўйиладиган бошка талабларга мувофик лозим даражада бажарилиши керак.

Ушбу Кодекснинг 465-моддасига асосан контрактация шартномасига мувофик кишлок хужалиги махсулотини етиштирувчи кишлок хужалиги махсулотини кайта ишлаш ёки сотиш учун бундай махсулотни харид киладиган шахсга — тайёрловчига шартлашилган муддатда топшириш (топшириб туриш) мажбуриятини олади, тайёрловчи эса бу махсулотни кабул килиш (кабул килиб туриш), унинг хакини шартлашилган муддатда муайян бахода тулаш (тулаб туриш) мажбуриятини олади.

ФКнинг 466-моддасида эса, қишлоқ хўжалиги махсулотини етиштирувчи ўстирилган (ишлаб чиқарилган) қишлоқ хўжалиги махсулотини тайёрловчига контрактация шартномасида назарда тутилган миқдор ва ассортиментда топшириши шарт.

Агар махсулот етиштирувчи ушбу модданинг биринчи қисмида курсатилган мажбуриятларини бажармаганлиги оқибатида қишлоқ хужалиги махсулоти контрактация шартномасида назарда тутилган микдор ва ассортиментда олинмаслиги олдиндан маълум булиб қолса, тайёрловчи шартномани бекор қилишни ёки ўзгартиришни ва зарарни қоплашни талаб килишга хакли.

Иш хужжатларига илова қилинган шартнома, электрон ҳисоб-фактуралар, тарафларнинг судда берган кўрсатмалари ва таққослаш далолатномасига асосан жавобгарнинг даъвогар олдидаги қарздорлиги 1 029 710 340 сўмни ташкил қилиши ўз тасдиғини топади.

Шунингдек, даъвогар жавобгар томонидан асосий қарз кечиктирилганлиги учун 514 855 170 сўм пеня ундиришни сўраган.

ФК 260-моддасинининг биринчи қисмига асосан қонунчилик ёки шартнома билан белгиланган, қарздор мажбуриятни бажармаган ёки лозим даражада бажармаган тақдирда кредиторга тўлаши шарт бўлган пул суммаси неустойка хисобланади.

ФК 261-моддасинининг иккинчи қисмига асосан қарздор мажбуриятларни бажармаган ёки лозим даражада бажармаган ҳолларда тўлайдиган ва, қоида тариқасида, қатъий пул суммасида ҳисобланадиган неустойка жарима ҳисобланади.

Шартноманинг 5.4-бандида, "Буюртмачи" "Хўжалик"ка муддати ўтказиб юборилган тўлов суммасининг 0,4 фоизи микдорида, муддати ўтказиб юборилган тўлов суммасининг 50 фоизидан ортик бўлмаган микдорда пеня тўлаши белгиланган.

Шу боис суд даъвонинг пеня ундириш талабини асосли деб хисоблайди.

Бирок, ΦК 326-моддасига мувофик суд қарздор томонидан мажбуриятларнинг бажарилиш даражасини, мажбуриятда иштирок этувчи тарафларнинг мулкий ахволини эътиборга олиб, неустойка микдорини камайтиришга хакли. Бу хакда Ўзбекистон Республикаси Олий хўжалик суди Пленумининг "Мажбуриятларни бажармаганлик ёки лозим даражада бажармаганлик учун мулкий жавобгарлик тўгрисидаги фукаролик конун хужжатларини қўллашнинг айрим масалалари хақида" 2007 йил 15 июндаги 163-сон қарорининг 4-бандида назарда тутилган тушунтиришларни инобатга олиб, суд ундирилиши талаб қилинган 514 855 170 сўм пеняни 145 000 000 сўм микдорида қаноатлантириб, қолган қисмини рад этишни лозим топади.

Узбекистон Республикаси Иқтисодий процессуал кодексининг 68-моддасига кўра, ишда иштирок этувчи хар бир шахс ўз талаблари ва этирозларига асос қилиб келтираётган холатларни исботлаши керак.

Ўзбекистон Республикаси Иқтисодий процессуал кодексининг 118-моддасига кўра, суд харажатлари ишда иштирок этувчи шахсларнинг қаноатлантирилган даъво талаблари микдорига мутаносиб равишда уларнинг зиммасига юклатилади.

Қайд этилганларга кўра, суд даъвогарнинг даъво талабларини қисман қаноатлантириб, жавобгар ҳисобидан даъвогар фойдасига 1 029 710 340 сўм асосий қарз ва 145 000 000 сўм пеня ундиришни, жавобгардан республика бюджетига 30 891 310,2 сўм давлат божи ундиришни лозим топади.

Бинобарин, Ўзбекистон Республикасининг Иктисодий процессуал кодекси 118, 170, 176-180, 186, 192-моддаларини кўллаб, суд

карор килди:

Тупроққальа туман фермер, деҳқон хўжаликлари ва томорқа ер эгалари Кенгашининг даъво аризаси қисман қаноатлантирилсин.

"TUPROQQAL`A TEXTIL" масъулияти чекланган жамиятидан "GULCHAROS MUNISA" фермер хўжалигининг фойдасига 1 029 710 340 сўм асосий қарз ва 145 000 000 сўм пеня ундирилсин.

Даъво талабларининг қолган қисмини қаноатлантириш рад қилинсин.

Жавобгар "TUPROQQAL`A TEXTIL" масъулияти чекланган жамиятидан Тупроққалъа туман фермер, деҳқон хўжаликлари ва томорқа ер эгалари Кенгашининг фойдасига 37 500 сўм почта харажати ундирилсин.

Жавобгар "TUPROQQAL`A TEXTIL" масъулияти чекланган жамиятидан Республика бюджети фойдасига 30 891 310,2 сўм давлат божи ундирилсин.

Хал қилув қарори қонуний кучга киргач ижро варақаси берилсин.

Мазкур ҳал қилув қарори устидан Хоразм вилоят судининг иқтисодий ишлар бўйича судлов ҳайъатига шу суд орқали бир ой ичида апелляция тартибида, ҳал қилув қарори қонуний кучга кирган кундан эътиборан олти ой ичида кассация тартибида шикоят бериш (протест келтириш) мумкин.

Судья Э.Розумбетов

